



02234

周禮卷之四

漢 鄭



夏官司馬第四

惟王建國辨方正位體國經野設官分職以爲民極乃立夏官司馬使帥其屬而掌邦政以佐王平邦國

政正也政所以正不正者也孝經說曰政者正也正德名以行道

周禮

夏官

序官

稽古樓

政官之屬大司馬卿一人小司馬中大夫二人軍司馬下大夫四人輿司馬上士八人行司馬中士十有六人旅下士三十有二人府六人史十有六人胥三十有二人徒三百有二十人

行音杭

輿衆也行謂軍行列晉作六軍而有三行取名於此

凡制軍萬有二千五百人爲軍王六軍大國

三軍次國二軍小國一軍軍將皆命卿二千
有五百人爲師師帥皆中大夫五百人爲旅
旅帥皆下大夫百人爲卒卒長皆上士二十
五人爲兩兩司馬皆中士五人爲伍伍皆有

長

將帥並去
聲長上聲

軍師旅卒兩伍皆衆名也伍一比兩一閭
卒一族旅一黨師一州軍一鄉家所出一

人將帥長司馬者其師吏也言軍將皆命

周禮

夏官

序官

二

稽古樓

卿則凡軍帥不特置選於六官六鄉之吏

自卿以下德任者使兼官焉鄭司農云王

六軍大國三軍次國二軍小國一軍故春

秋傳有大國次國小國又曰成國不過半

天子之軍周爲六軍諸侯之大者三軍可

也詩大雅常武曰赫赫明明王命卿士南

仲大祖大師皇父整我六師以修我戎旣

倣旣戒惠此南國大雅文王曰周王于邁

六師及之此周爲六軍之見于經也春秋傳曰王使虢公命曲沃伯以一軍爲晉侯此小國一軍之見于傳也百人爲卒二十五人爲兩故春秋傳曰廣有一卒卒偏之兩

一軍則二府六史胥十人徒百人

司勳上士二人下士四人府二人史四人胥

二人徒二十八

周禮

夏官

序官

三

稽古樓

故書勳作勛鄭司農云勛讀爲勳勳功也此官主功賞故曰掌六鄉賞地之法以等

其功

馬質中士二人府一人史二人賈四人徒八

人賈音嫁

質平也主買馬平其大小之賈直

量人下士二人府一人史四人徒八人量音亮

量猶度也謂以丈尺度地

小子下士二人史一人徒八人

小子主祭祀之小事

羊人下士二人史一人賈一人徒八人

司燿下士二人徒六人

燿口
喚反

故書燿為焦杜子春云燿當為燿書亦或

為燿燿為私火立謂燿讀如予若觀火之

觀今燕俗名湯熟為觀則燿火謂熟火與

掌固上士二人下士八人府二人史四人胥

周禮夏官序官

四

稽古樓

四人徒四十人

固國所依阻者也國曰固野曰險易曰王

公設險以守其國

司險中士二人下士四人史二人徒四十八

掌疆中士八人史四人胥十有六人徒百有

六十八

疆居
良反

疆界也

候人上士六人下士十有二人史六人徒百

有二十人

候候迎賓客之來者

環人下士六人史二人徒十有二人

環猶卻也以勇力卻敵

挈壺氏下士六人史二人徒十有二人

挈讀如絜髮之絜壺盛水器也世主挈壺

水以爲漏

射人下大夫二人上士四人下士八人府二

周禮

夏官

序官

五

稽古樓

人史四人胥二人徒二十人

服不氏下士一人徒四人

服不服不服之獸者

射鳥氏下士一人徒四人

羅氏下士一人徒八人

能以羅罔搏鳥者郊特牲曰大羅氏天子

之掌鳥獸者

掌畜下士二人史二人胥二人徒二十人

奇謂斂而養之

司士下大夫二人中士六人下士十有二人
府二人史四人胥四人徒四十人

諸子下大夫二人中士四人府二人史二人
胥二人徒二十人

諸子圭公卿大夫士之子者或曰庶子

司右上士二人下士四人府四人史四人胥
八人徒八十人

周禮

夏官

序官

六

稽古樓

右謂有勇力之士充主車右

虎賁氏下大夫二人中士十有二人府二人
史八人胥八人徒八十人

不言徒曰虎士則虎士徒之選有勇力者

旅賁氏中士二人下士十有六人史二人徒
八人

節服氏下士八人徒四人

世爲王節所衣服

方相氏狂夫四人

方相猶言放想可畏怖之貌

大僕下大夫二人小臣上士四人祭僕中士
六人御僕下士十有二人府二人史四人胥
三人徒二十八

僕侍御於尊者之名太僕其長也

隸僕下士二人府一人史二人胥四人徒四

十八

周禮

夏官

序官

七

稽古樓

此吏而曰隸以其事褻

弁師下士二人工四人史二人徒四人

弁者古冠之大稱委貌緇布曰冠

司甲下大夫二人中士八人府四人史八人

胥八人徒八十八

甲今之鎧也司甲兵戈盾官之長

司兵中士四人府二人史四人胥二人徒二

十八

司戈盾下士二人府一人史二人徒四人

戈今時句矛戟

司弓矢下大夫二人中士八人府四人史八

人胥八人徒八十八

司弓矢弓弩矢箠官之長

繕人上士二人下士四人府一人史二人胥

二人徒二十人

繕之言勁也善也

周禮

夏官

序官

八

稽古樓

橐人中士四人府二人史四人胥二人徒二

十八

鄭司農云橐讀爲芻橐之橐箭幹謂之橐

此官主弓弩箭矢故謂之橐人

戎右中大夫二人上士二人

右者參乘此充戎路之右田獵亦爲之右

焉

齊右下大夫二人

充玉路金路之右

道右士士二人

充象路之右

大馭中大夫二人

馭之最尊

戎僕中大夫二人

馭言僕者此亦侍御於車

齊僕下大夫二人

周禮

夏官

序官

九

稽古樓

古者王將朝覲會同必齊所以敬宗廟及

神明

道僕士士十有二人

王朝朝莫夕主御王以與諸臣行先王之

道

田僕士士十有二人

馭夫中士二十八人下士四十八人

校人中大夫二人上士四人下士十有六人

府四人史八人胥八人徒八十八

教反

校之為言效也主馬者必仍效視之校人

馬官之長

趣馬下士卓一人徒四人

趣馬趣養馬者也鄭司農說以詩曰蹶維

趣馬

巫馬下士二人醫四人府一人史二人賈二

人徒二十人

賈音價

周禮

夏官

序官

十

稽古樓

巫馬知馬祖先牧馬社馬步之神者焉疾

若有犯焉則知之是以便與醫同職

牧師下士四人胥四人徒四十八

主牧放馬而養之

廋人下士閑二人史二人徒二十人

廋所一求反

廋之言數

圉師乘一人徒二人圉人良馬匹一人駑馬

麗一人

養馬曰圉四馬爲乘良善也麗耦也

職方氏中大夫四人下大夫八人中士十有六人府四人史十有六人胥十有六人徒百有六十八

職主也主四方之職貢者職方氏主四方官之長

土方氏上士五人下士十人府二人史五人胥五人徒五十人

周禮夏官序官土稽古樓

土方氏主四方邦國之土地

懷方氏中士八人府四人史四人胥四人徒四十八人

懷來也主來四方之民及其物

合方氏中士八人府四人史四人胥四人徒四十八人

合方氏主合同四方之事

訓方氏中士四人府四人史四人胥四人徒

四十人

訓道也主教道四方之民

形方氏中士四人府四人史四人胥四人徒四十人

形方氏主制四方邦國之形體

山師中士二人下士四人府二人史四人胥四人徒四十人

川師中士二人下士四人府二人史四人胥

周禮夏官序官

主

稽古樓

四人徒四十人

籛師中士四人下士八人府四人史八人胥

八人徒八十八人籛音原

籛地之廣平者

匡八中士四人史四人徒八人

匡正也主正諸侯以法則

擯八中士四人史四人徒八人擯他南反

擯八主擯序王意以語天下

都司馬每都上士二人中士四人下士八人
府二人史八人胥八人徒八十八人

都王子弟所封及三公采地也司馬主其
軍賦

家司馬各使其臣以正於公司馬

家卿大夫采地正猶聽也公司馬國司馬
也卿大夫之采地王不特置司馬各自使

其家臣爲司馬主其地之軍賦往聽政於

周禮

夏官

序官

三

稽古樓

王之司馬王之司馬其以王命來有事則

曰國司馬

大司馬之職掌建邦國之九灋以佐王平邦

國

平成也正也

制畿封國以正邦國設儀辨位以等邦國進
賢興功以作邦國建牧立監以維邦國制軍
詰禁以糾邦國施貢分職以任邦國簡稽鄉

民以用邦國均守平則以安邦國比小事大

以和邦國

畿音祈監平聲比音避

封謂立封於疆爲界儀謂諸侯及諸臣之

儀辨別也別尊卑之位與猶舉也作起也

起其勸善樂業之心使不惰廢牧州牧也

監監一國謂君也維猶連結也詰猶窮治

也糾猶正也職謂職稅也任猶事也事以

其力之所堪簡謂比數之稽猶計也諸侯

周禮

夏官

大司馬

十四

稽古樓

有土地者均之尊者守大卑者守小則法

也比猶親也使大國親小國小國事大國

相合和也易比象曰先王以建萬國親諸

侯

以九伐之灋正邦國

諸侯有違王命則出兵以征伐之所以正

之也諸侯之于國如樹木之有根本是以

言伐云

馮弱犯寡則管之

馮音憑管所景反

馮猶乘陵也言不字小而侵侮之管猶人青瘦也王霸記曰四面削其地

賊賢害民則伐之

春秋傳曰粗者曰侵精者曰伐又曰有鐘鼓曰伐則伐者兵入其竟鳴鐘鼓以往所以聲其罪

暴內陵外則壇之

壇音善

周禮

夏官

大司馬

五

稽古樓

五

稽古樓

內謂其國外謂諸侯壇讀如同壇之壇王霸記曰置之空壇之地鄭司農云壇讀從憚之以威之憚書亦或爲壇玄謂置之空壇以出其君更宜其次賢者

野荒民散則削之

荒蕪也田不治民不附削其地明其不能

負固不服則侵之

負猶恃也固險可依以固者也不服不事
大也侵之者兵加其竟而已用兵淺者詩
曰密人不恭敢距大邦

賊殺其親則正之

正之者執而治其罪王霸記曰正殺之也

春秋僖二十八年冬晉人執衛侯歸之于

京師坐殺其弟叔武

放弑其君則殘之

周禮

夏官

大司馬

十六

稽古樓

放逐也殘殺也王霸記曰殘滅其爲惡

犯令陵政則杜之

令猶命也王霸記曰犯令者違命也陵政

者輕政灋不循也杜之者杜塞使不得與

鄰國交通

外內亂鳥獸行則滅之

行去聲

王霸記曰悖人倫外內無以異于禽獸不

可親百姓則誅滅去也曲禮曰夫唯禽

獸無禮故父子聚麀

正月之吉始和布政于邦國都鄙乃縣政象
之灋于象魏使萬民觀政象挾日而歛之

懸挾子
協反

以正月朔日布王政於天下至正歲又縣

政灋之書挾日十日也

乃以九畿之籍施邦國之政職方千里曰國
畿其外方五百里曰侯畿又其外方五百里

周禮

夏官

大司馬

七

稽古樓

曰甸畿又其外方五百里曰男畿又其外方
五百里曰采畿又其外方五百里曰衛畿又
其外方五百里曰蠻畿又其外方五百里曰
夷畿又其外方五百里曰鎮畿又其外方五
百里曰藩畿

畿猶限也自王城以外五千里為界有分

限者九籍其禮差之書也政職所其王政

之職謂賦稅也故書畿為近鄭司農云近

當爲畿春秋傳曰天子一畿列國一同詩
殷頌曰邦畿千里維民所止

凡令賦以地與民制之上地食者參之二其
民可用者家三人中地食者半其民可用者
二家五人下地食者參之一其民可用者家

二人

賦給軍用者也令邦國之賦亦以地之美

惡民之衆寡爲制如六遂矣鄭司農云上

周禮

夏官

大司馬

大

稽古樓

地謂肥美田也食者參之二假令一家有
三頃歲種二頃休其一頃下地食者參之
一田薄惡者所休多

中春教振旅司馬以旗致民平列陳如戰之

陳

中音仲下同陳音師
下同陳車之陳如字

以旗者立旗期民於其下也兵者守國之
備孔子曰以不教民戰是謂棄之兵者凶
事不可空設因蒐狩而習之凡師出口治

兵入曰振旅皆習戰也四時各教民以其
一焉春習振旅兵入收衆專於農平猶正
也

辨鼓鐸鑼鈸之用王執路鼓諸侯執賁鼓軍

將執晉鼓帥執提旅帥執鼙卒長執鐃兩

司馬執鐸公司馬執鈸

鈸鏡女交反賁扶云反
將帥並去聲鞀音皮

長上聲

鼓人職曰以路鼓鼓鬼享以賁鼓鼓軍事

周禮

夏官

大司馬

九

稽古樓

以晉鼓鼓金奏以金鏡止鼓以金鐸通鼓

以金鐸節鼓鄭司農云辨鈸鐸鐸鈸之用

謂鈸鐸之屬鈸讀如濁其源之濁鐸讀如

謹曉之曉提讀如攝提之提謂馬上鼓有

曲木提持鼓立馬髦上者故謂之提杜子

春云公司馬謂五人爲伍伍之司馬也立

謂王不執賁鼓尙之於諸侯也伍長謂之

公司馬者雖卑同其號

以教坐作進退疾徐疏數之節

數音朔

習戰灋

遂以蒐田有司表貉誓民鼓遂圍禁火弊獻禽以祭祀

春田爲蒐有司大司徒也掌大田役治徒庶之政令表貉立表而貉祭也誓民誓以犯田灋之罰也誓曰無干車無自後射立旌遂圍禁旌弊爭禽而不審者罰以假馬

周禮

夏官

大司馬

三

稽古樓

禁者虞衡守禽之厲禁也旣誓令鼓而圍之遂蒐田火弊火止也春田主用火因焚萊除陳草皆殺而火止獻猶致也屬也田止虞人植旌衆皆獻其所獲禽焉詩云言私其豸獻肩于公春田主祭社者土方施生也鄭司農云貉讀爲禡禡謂師祭也書亦或爲禡

中夏教芟舍如振旅之陳羣吏擐車徒讀書

契辨號名之用帥以門名縣鄙各以其名家以號名鄉以州名野以邑名百官各象其事以辨軍之夜事其他皆如振旅

芟讀如萊沛之沛芟舍草止之也軍有草止之灋撰讀曰算算車徒謂數擇之也讀書契以簿書校錄軍實之凡要號名者徽識所以相別也鄉遂之屬謂之名家之屬謂之號百官之屬謂之事在國以表朝位

周禮夏官

大司馬

五

稽古樓

在軍又象其制而爲之被之以備死事帥謂軍將及師帥旅帥至伍長也以門名者所被徽識如其在門所樹者也凡此言以也象也皆謂其制同耳軍將皆命卿古者軍將蓋爲營治於國門魯有東門襄仲宋有桐門右師皆上卿爲軍將者也縣鄙謂縣正鄙師至鄰長也家謂食采地者之臣也鄉以州名亦謂州長至此長也野謂公

邑大夫百官以其職從王者此六者皆書其官與名氏焉門則襄仲右師明矣鄉則南鄉甄東鄉爲人是也其他象此云某某之名某某之號某某之事而已未盡聞也鄉遂大夫文錯不見以其素信于民不爲軍將或爲諸帥是以闕焉夜事戒夜守之事草止者慎於夜於是主別其部職

遂以苗田如蒐之灋車弊獻禽以享禘

禘同

周禮

夏官

大司馬

三

稽古樓

夏田爲苗擇取不孕任者若治苗去不秀實者云車弊驅獸之車止也夏田主用車示所取物希皆殺而車止王制曰天子殺則下大綏諸侯殺則下小綏大夫殺則止佐車佐車止則百姓田獵禘宗廟之夏祭也冬夏田主于祭宗廟者陰陽始起象神之在內

中秋教治兵如振旅之陳辨旗物之用王載

大常諸侯載旂軍吏載旗師都載旛鄉遂載物郊野載旒百官載旛各書其事與其號焉其他皆如振旅大音泰

軍吏諸軍帥也師都遂大夫也鄉遂鄉大夫也或載旛或載物宥屬軍吏無所將也郊謂鄉遂之州長縣正以下也野謂公邑大夫載旒者以其將羨卒也百官卿大夫也載旛者以其屬衛王也凡旌旗有軍旅者畫異物無者帛而已書當爲畫事也號也皆畫以雲氣

周禮

夏官

大司馬

三

稽古樓

遂以獮田如蒐田之灋羅弊致禽以祀祊

獮先

上聲

秋田爲獮獮殺也羅弊罔止也秋田主用罔中殺者多也皆殺而罔止祊當爲方聲之誤也秋田主祭四方報成萬物詩曰以社以方

中冬教大閱

春辨鼓鐸夏辨號名秋辨旗物至冬大閱
簡軍實凡頒旗物以出軍之旗則如秋以
尊卑之常則如冬司常佐司馬時也大閱
備軍禮而旌旗不如出軍之時空辟實
前期羣吏戒眾庶脩戰灋

羣吏鄉師以下

虞人萊所田之野爲表百步則一爲三表又

周禮

夏官

大司馬

三

稽古樓

五十步爲一表田之日司馬建旗于後表之

中羣吏以旗物鼓鐸鑼各帥其民而致實

明弊旗誅後至者乃陳車徒如戰之陳皆坐

鄭司農云虞人萊所田之野芟除其草萊

令車得驅馳詩曰田卒沔萊玄謂萊芟除

可陳之處後表之中五十步表之中央表

所以識正行列也四表積二百五十步左

右之廣當容三軍步數未聞致致之司馬

質正也弊仆也皆坐當聽誓

羣吏聽誓于陳前斬牲以左右徇陳曰不用命者斬之

羣吏諸軍帥也陳前南面鄉表也月令季

秋天子教于田獵以習五戎司徒摯扑北

而以誓之此大閱禮實正歲之中冬而說

季秋之政於周為中冬為月令者失之矣

斬牲者小子也凡誓之大略甘誓湯誓之

周禮

夏官

大司馬

五

稽古樓

屬是也

中軍以聲分鼓鼓人皆三鼓司馬振鐸羣吏

作旗軍徒皆作鼓行鳴鑼軍徒皆行及表乃

止三鼓鹿鐸羣吏弊旗軍徒皆坐

鹿音

中軍中軍之將也天子六軍三三而居一

偏羣吏既聽誓各復其部曲中軍之將令

鼓鼓以作其士眾之氣也鼓人者中軍之

將師帥旅帥也司馬兩司馬也振鐸以作

眾作起也既起鼓人擊鼓以行之伍長鳴
鐺以節之伍長一曰公司馬及表自後表
前至第二表也三鼓者鼓人也鄭司農云
攬讀如弄玄謂如涿鹿之鹿掩上振之爲
攬攬者止行息氣也司馬法曰鼓聲不過
聞警聲不過闌鐺聲不過環

又三鼓振鐺作旗車徒皆作鼓進鳴鐺車蹶
徒趨及表乃止坐作如初

周禮

夏官

大司馬

兵

稽古樓

趨者赴敵尙疾之漸也春秋傳曰先人有
奪人之心及表自第二前至第三

乃鼓車馳徒走及表乃止

及表自第三前至前表

鼓戒三闕車三發徒三刺

闕音缺

鼓戒戒攻敵鼓壹闕車壹轉徒壹刺三而

止象服敵

乃鼓退鳴鐺且卻及表乃止坐作如初

鏡所以止鼓軍退卒長鳴鏡以和眾鼓人爲止之也退自前表至後表鼓鐸則同習戰之禮出入一也異者廢鑄而鳴鏡

遂以狩田以旌爲左右和之門羣吏各帥其車徒以敘和出左右陳車徒有司平之旗居卒間以分地前後有屯百步有司巡其前後險野人爲主易野車爲主易以鼓反

冬田爲狩言守取之無所擇也軍門曰和

周禮夏官大司馬毛稽古禮

今謂之壘門立兩旌以爲之敘和出用次第出和門也左右或出而左或出而右有司平之鄉師居門正其出入之行列也旗軍吏所載分地調其部曲疏數前後有屯百步車徒異羣相去之數也車徒畢出和門鄉師又巡其行陳鄭司農云險野人爲主人居前易野車爲主車居前

既陳乃設驅逆之車有司表貉于陳前

驅驅出禽獸使趨田者也逆逆要不得令走設此車者田僕也

中軍以整令鼓鼓人皆三鼓羣司馬振鐸車徒皆作遂鼓行徒銜枚而進大獸公之小禽私之獲者取左耳

羣司馬謂兩司馬也枚如箸銜之有繯結項中軍法止語爲相疑惑也進行也鄭司

農云大獸公之輸之於公小禽私之以自

周禮

夏官

大司馬

天

稽古樓

畀也詩云言私其豸獻肩于公一歲爲豸

二歲爲豨三歲爲特四歲爲肩五歲爲慎

此明其獻大者於公自取其小者立謂慎

讀爲麋爾雅曰豕生三曰豸豕牝曰豨麋

牝曰麋獲得也得禽獸者取左耳當以計

功

及所弊鼓皆駮車徒皆譟徒乃弊致禽饁獸

于郊入獻禽以享烝

駮同駮
譟同噪

鄭司農云及所弊至所弊之處立謂至所
弊之處田所當於止也天子諸侯蒐狩有
常至其常處吏士鼓譟象攻敵尅勝而喜
也疾雷擊鼓曰馘譟謹也書曰前師乃鼓
鼓譟亦謂喜也徒乃弊徒止也冬田主用
衆物多衆得取也致禽饁獸于郊聚所獲
禽因以祭四方神於郊月令季秋天子既
田命主祠祭禽四方是也入又以禽祭宗
周禮夏官大司馬 无 稽古樓
廟

及師大合軍以行禁令以救無辜伐有罪若
大師則掌其戒令大卜帥執事泣釁主及
軍器及致建大常比軍衆誅後至者及戰巡
陳馘事而賞罰若師有功則左執律右秉鉞
以先愷樂獻于社若師不功則厭而奉主車

大卜大常之大音
泰先去聲厭音謁

師所謂王巡守若會同司馬起師合軍以

從所以威天下行其政也不言大者未有敵不尙武大師王出征伐也涖臨也臨大卜卜出兵吉凶也司馬法曰上下下謀是謂參之主謂遷廟之主及社主在軍者也軍器鼓鐸之屬凡師旣受甲迎主于廟及社主祝奉以從殺牲以血塗主及軍器皆神之比或作庀鄭司農云致謂聚衆也庀具也玄謂致鄉師致民於司馬比較次之

周禮

夏官

大司馬

三

稽古禮

也事謂戰功也功勝也律所以聽軍聲鉞所以爲將威也先猶道也兵樂曰愷獻于社獻功于社也司馬法曰得意則愷樂愷歌示喜也鄭司農云故城濮之戰春秋傳曰振旅愷以入于晉厭謂厭冠喪服也軍敗則以喪禮故秦伯之敗於殽也春秋傳曰秦伯素服郊次鄉師而哭玄謂厭伏冠也奉猶送也送主歸於廟與社

士弔勞士庶子則相勞相並去聲

師敗王親弔士庶子之死者勞其傷者則

相王之禮庶子卿大夫之子從軍者或謂

之庶士

大役與慮事屬其植受其要以待放而賞誅

與音預屬音燭

大役築城邑也鄭司農云國有大役大司

馬與謀慮其事也植謂部曲將交故宋城

周禮夏官

大司馬

三

稽古樓

春秋傳曰華元為植巡功屬謂聚會之也

要者簿書也放謂考校其功玄謂慮事者

封人也於有役司馬與之植築城楨也屬

賦丈尺與其用人數

大會同則帥士庶子而掌其政令

帥師以從王

若大射則合諸侯之六耦

大射王將祭射于射宮以選賢也王射三

侯以諸侯爲六耦

大祭祀饗食羞牲魚授其祭

牲魚魚牲也祭謂尸賓所以祭也鄭司農

云大司馬主進魚牲

大喪平士大夫

鄭司農云平一其服也立謂平者正其職

與其位

喪祭奉詔馬牲

周禮

夏官

大司馬

三

稽古樓

王喪之以馬祭者蓋遣奠也奉猶送也送之至墓告而藏之

小司馬之職掌

此下字脫滅札爛文闕漢興求之不得遂

無識其數者

凡小祭祀會同饗射師田喪紀掌其事如大

司馬之灋

軍司馬

闕

輿司馬闕

行司馬闕

司勳掌六鄉賞地之灋以等其功

賞地賞田也在遠郊之內屬六鄉焉等猶差也以功大小爲差

王功曰勳國功曰功民功曰庸事功曰勞治功曰力戰功曰多

王功輔成王業若周公國功保全國家若周禮夏官小司馬 司勳 三 稽古櫛

伊尹民功法施於民若后稷事功以勞定國若禹治功制法成治若咎繇戰功尅敵出奇若韓信陳平司馬法曰上多前虜

凡有功者銘書於王之大常祭於大烝司勳詔之

銘之言名也生則書于王旌以識其人與其功也死則於烝先王祭之詔謂告其神以辭也盤庚告其卿大夫曰茲予大享于

先王爾祖其從與享之是也今漢祭功臣於廟庭

大功司勳藏其貳

貳猶副也功書藏於天府又副於此者以其主賞

掌賞地之政令

政令謂役賦

凡賞無常輕重眡功

周禮夏官司勳

稽古樓

無常對功之大小不可豫

凡頒賞地參之一食

鄭司農云不以美田爲采邑玄謂賞地之稅參分計稅王食其一也二全入於臣

惟加田無國正

加田既賞之又加賜以田所以厚恩也鄭司農云正謂稅也祿田亦有給公家之賦貢若今時侯國有司農少府錢穀矣獨加

賞之田無正耳

馬質掌質馬馬量三物一曰戎馬二曰田馬

三曰駑馬皆有物賈賈音嫁下同

此三馬買以始官府之使無種也鄭司農

曰皆有物賈者有物色及賈直

綱惡馬

鄭司農云綱讀為以亢其鬻之亢書亦或

為亢亢御也禁也禁去惡馬不畜也立謂

周禮夏官馬質

羴

稽古樓

綱以縻索維綱狎習之

凡受馬於有司者書其齒毛與其賈馬死則

旬之內更旬之外入馬耳以其物更其外否

更音庚

鄭司農云更謂償也立謂旬之內死者償

以齒毛與賈受之日淺養之惡也旬之外

死入馬耳償以毛色不以齒質任之過其

任也其外否者旬之外踰二十日而死不

任用非用者罪

馬及行則以任齊其行

識其所載輕重及道里齊其勞逸乃復用之

若有馬訟則聽之禁原蠶者

訟謂賣買之言相負原再也天文辰爲馬蠶書蠶爲龍精月直大火則浴其種是蠶與馬同氣物莫能兩大禁再蠶者爲傷馬

周禮

夏官

馬質

美

稽古樓

與

量人掌建國之灋以分國爲九州營國城郭營后宮量市朝道巷門渠造都邑亦如之

建立也立國有舊法式若匠人職云分國定天下之國分也后君也言君容王與諸侯

營軍之壘舍量其市朝州涂軍社之所里

軍壁曰壘鄭司農云量其市朝州涂市

朝而爲道也玄謂州一州之衆二千五百人爲師每師一處市也朝也州也皆有道以相之軍社社主在軍者里居也

邦國之地與天下之涂數皆畫而藏之

書地謂方圓山川之廣狹畫涂謂支湊之遠近

凡祭祀饗賓制其從獻脯燔之數量

鄭司農云從獻者肉殺從酒也玄謂燔從周禮夏官量人

於獻酒之內炙也數多少也量長短也

掌喪祭奠窆之俎實

窆目說反

窆亦有俎實謂所包遣奠士喪禮下篇曰藏苞簪於旁

凡宰祭與鬱人受宰歷而皆飲之

言宰祭者冢宰佐王祭亦容攝祭鄭司農云宰讀如嫁娶之嫁宰器名明堂位曰爵夏后氏以琖殷以斝周以爵玄謂宰讀如

嘏尸之嘏宰冢宰

小子掌祭祀羞羊肆羊殽肉豆

鄭司農云羞進也羊肆體薦全烝也羊殽體解節折也肉豆者切肉也玄謂肆讀爲鬻羊鬻者所謂豚解也

而掌珥于社稷祈于五祀

故書祀作禋鄭司農云禋讀爲祀書亦或爲祀珥社稷以牲頭祭也玄謂珥讀爲珥

周禮

夏官

小子

天

稽古樓

祈或爲劓劓者鬻禮之事也用毛牲曰劓羽牲曰緝緝社稷五祀謂始成其宮兆時也春官肆師職祈或作畿秋官士師職曰凡劓緝則奉夫牲此劓緝正字與

凡沈辜侯禳飾其牲

鄭司農云沈謂祭川爾雅曰祭川曰浮沈辜謂磔牲以祭也月令曰九門磔禳以畢春氣侯禳者候四時惡氣禳去之也

釁邦器及軍器

邦器謂禮樂之器及祭器之屬雜記曰凡宗廟之器其名者成則釁之以豕豚

凡師田斬牲以左右徇陳

示犯誓必殺之

祭祀簪羞受徹焉

羊人掌羊牲凡祭祀飾羔

羔小羊也詩曰四之日其蚤獻羔祭韭

周禮夏官

羊人

一五

稽古樓

祭祀割羊牲登其首

登升也升首報陽也升首于室

凡祈珥共其羊牲賓客共其灋羊凡沈辜侯

禴釁積共其羊牲

共猶給也灋羊殮養積膳之羊積故書為

毗鄭司農云毗讀為漬罪釁國寶漬軍器

也立謂積積柴禮祀樵燎實柴

若牧人無牲則受布于司馬使其賈買牲而

其之賈音古

布泉

司燿掌行火之政令四時變國火以救時疾

行猶用也變猶易也鄭司農說以卿子曰

春取榆柳之火夏取棗杏之火季夏取桑

柘之火秋取柞楸之火冬取槐檀之火

季春出火民咸從之季秋內火民亦如之

火所以用陶冶民隨國而為之鄭人鑄刑

周禮夏官司燿

罕

稽古禮

書火星未出而出火後有災鄭司農云以

三月本時昏心星見于辰上使民出火九

月本黃昏心星伏在戌上使民內火故春

秋傳曰以出內火

時則施火令

焚萊之時

凡祭祀則祭燿

報其為明之功禮如祭饗

凡國失火野焚萊則有刑罰焉

野焚萊民擅放火

掌固掌脩城郭溝池樹渠之固頒其土庶子及其眾庶之守

樹謂枳棘之屬有刺者也眾庶民遽守固者也鄭司農說樹以國語曰城守之木於是乎用之

設其飾器分其財用均其稍食任其萬民用

周禮

夏官

掌固

望

稽古樓

其材器

飾器兵甲之屬今城郭門之器亦然財用國以財所給守吏之用也稍食祿稟任謂以其任使之也民之材器其所用塹築及為藩落

凡守者受灋焉以通守政有移甲與其役財用唯是得通與國有司帥之以贊其不足者凡守者士庶子及他要害之守吏通守政

者兵甲役財難易多少轉移相給也其他
非是不得妄離部署國有司掌固也其移
之者又與掌固帥致之贊佐也

晝三巡之夜亦如之夜三鑿以號戒

號平聲

巡行也行守者為眾庶之解惰鑿擊鑿警

守鼓也三巡之間又三擊鑿杜于春云讀

鑿為造次之造謂擊鼓行夜戒守也春秋

傳所謂賓將趣者與趣與造音相近故曰

周禮夏官掌固

三

稽古樓

終久與燎

若造都邑則治其固與其守灋

都邑亦為城郭

凡國都之竟有溝樹之固郊亦如之民皆有

職焉若有山川則因之

竟同境

竟界也職謂守與任山川若殺泉河漢

司險掌九州之圖以周知其山林川澤之阻

而達其道路

周猶徧也達道路者山林之阻則開鑿之
用澤之阻則橋梁之

設國之五溝五涂而樹之林以爲阻固皆有
守禁而達其道路

五溝遂溝洫澮川也五涂徑畛涂道路也
樹之林作藩落也

國有故則藩塞阻路而止行者以其屬守之
唯有節者達之

周禮

夏官

司險

聖

稽古樓

有故喪災及兵也閉絕要害之道備姦寇
也

掌疆

闕

候人各掌其方之道治與其禁令以設候人

道治治道也國語曰候不在竟譏不居其
方也禁令備姦寇也以設候人者選士卒
以爲之詩云彼候人兮何戈與祓

若有方治則帥而致于朝及歸送之于竟

方治其方來治國事者也春秋傳曰晉欒
盈過周王使候人出諸轅轅是其送之

環人掌致師察軍慝環四方之故巡邦國搏

謀賊訟敵國揚軍旅降圍邑

搏音博
降音杭

致師者致其必戰之志古者將戰先使勇

力之士犯敵焉春秋傳曰楚許伯御樂伯

攝叔爲右以致晉師許伯曰吾聞致師者

御靡旌摩壘而還樂伯曰吾聞致師者左

周禮

夏官

候人

環人

攝

稽古樓

射以葢代御執轡御下捫馬掉鞅而還攝

叔曰吾聞致師者右入壘折馘執俘而還

皆行其所聞而復之慝陰姦也視軍中有

爲慝者則執之環四方之故卻其以事謀

來侵伐者所謂折衝禦侮謀賊反間爲國

賊敵國兵來則往之與訟曲直若齊國佐

如師揚者爲之威武以觀敵詩云維師尚

父時維鷹揚圍邑欲降者受而降之春秋

傳曰齊人降鄆

挈壺氏掌挈壺以令軍井挈轡以令舍挈畚

以令糧

畚音本

鄭司農云挈壺以令軍井謂爲軍穿井井成挈壺縣其上令軍中士衆皆望見知此下有井壺所以盛飲故以壺表井挈轡以令舍亦縣轡于所當舍止之處使軍望見知當舍止于此轡所以駕舍故以轡表舍

周禮夏官

挈壺氏

筮

稽古樓

挈畚以令糧亦縣畚于所當稟假之處令軍望見知當稟假于此下也畚所以盛糧之器故以畚表稟軍中人多車騎雜會讙囂號令不能相聞故各以其物爲表省煩趨疾于事便也

凡軍事懸壺以序聚櫟凡喪縣壺以代哭者

皆以水火守之分以日夜

櫟音析

鄭司農云縣壺以爲漏以序聚櫟以次更

聚擊櫜備守也玄謂擊櫜兩木相敲行夜時也代亦更也禮未大斂代哭以水守壺者為沃漏也以火守壺者夜則火視刻數也分以日夜者異晝夜漏也漏之箭晝夜共百刻冬夏之間有長短焉大史立成法有四十八箭

及冬則以火爨鼎水而沸之而沃之

鄭司農云冬水凍漏不下故以火炊水沸

周禮

夏官

望壺氏

異

稽古樓

以沃之謂沃漏也

射人掌國之三公孤卿大夫之位三公北面
孤東面卿大夫西面其摯三公執璧孤執皮
帛卿執羔大夫執鴈

位將射始入見君之位不言士者此與諸侯之賓射士不與也燕禮曰公升卽位於席西鄉小臣納卿大夫卿大夫皆入門右北面東上士立於西方東面北上大射亦

云則凡朝燕及射臣見于君之禮同

諸侯在朝則皆北面詔相其灋

朝音潮相去聲下同

謂諸侯來朝而未歸王與之射於朝者皆北面從三公位灋其禮儀

若有國事則掌其戒令詔相其事掌其治達

謂王有祭祀之事諸侯當助其薦獻者也

戒令告以齊與期治達謂諸侯因與王射

及助祭而有所治受而達之於王王有命

周禮

夏官

射人

筮

稽古樓

又受而下之

以射灋治射儀王以六耦射三侯三獲三容

樂以騶虞九節五正諸侯以四耦射二侯二

獲二容樂以貍首七節三正孤卿大夫以三

耦射一侯一獲一容樂以采蘋五節二正士

以三耦射豨侯一獲一容樂以采芣五節二

正

豨音片

射法王射之禮治射儀謂肄之也鄭司農

云三侯虎熊豹也容者乏也待獲者所蔽也九節析羽九重設於長杠也正所射也詩云終日射侯不出正兮二侯熊豹也豨侯豨者獸名也獸有豨豨熊虎玄謂三侯者五正三正二正之侯也二侯者三正二正之侯也一侯者二正而已此皆與賓射於朝之禮也考玉梓人職曰張五采之侯則遠國屬遠國謂諸侯來朝者也五采之侯卽五正之侯也正之言正也射者內志正則能中焉畫五正之侯中朱次白次蒼次黃玄居外三正損玄黃二正去白蒼而畫以朱綠其外之廣皆居侯中參分之一中二尺今儒家云四尺曰正二尺曰鵠鵠乃用皮其大如正此說失之矣大射禮豨作干讀如宜豨宜獄之豨豨胡天也士與士射則以豨皮飾侯下大夫也大夫以上

周禮

夏官

射人

異

稽古樓

與賓射飾侯以雲氣用采各如其正九節
七節五節者奏樂以爲射節之差言節者
容侯道之數也樂記曰明乎其節之志不
失其事則功成而德行立

若王大射則以狸步張三侯

鄭司農云狸步謂一舉足爲一步於今爲
半步玄謂狸善搏者也行則止而擬度焉
其發必獲是以量侯道法之也侯道者各

周禮

夏官

射人

筮

稽古樓

以弓爲度九節者九十弓七節者七十弓
五節者五十弓弓之下制長六尺大射禮
曰大侯九十參七十五十是也三侯者
司裘所共虎侯熊侯豹侯也列國之君大
射亦張三侯數與天子同大侯熊侯也參
讀爲糝糝雜也雜者豹鵠而麋飾下天子

大夫

王射則令去侯立于後以矢行告卒令取矢

鄭司農云射人主令人去侯所而立于後
也以矢行告射人主以矢行高下左右告
于王也大射禮曰大射正立于公後以矢
行告于公下曰留上曰揚左右曰方杜子
春說以矢行告告白射事于王王則執矢
也杜子春說不與禮經合疑非是也卒令
取矢謂射卒射人令當取矢者使取矢也
玄謂令去侯者命負侯者去侯也鄉射曰
周禮夏官射人

卒

稽古樓

司馬命獲者執旌以負侯

祭侯則爲位

祭侯獻服不服不以祭侯爲位爲服不受
獻之位也大射曰服不侯西北三步北面
拜受爵

與大史數射中佐司馬治射正

數上聲中去聲正同征

射中數射者中侯之算也大射曰司射適
階西釋弓去朴襲進由中東立于中南北

面視算射正射之法儀也

祭祀則贊射牲相孤卿大夫之灋儀

相去聲

烝嘗之禮有射豕者國語曰禘郊之事天

子必自射其牲今立秋有獮劉云

會同朝覲作大夫介凡有爵者

作讀如作止爵之作諸侯來至王使公卿

有事焉則作大夫使之介也有爵者命士

以上不使賤者

周禮

夏官

射人

至

稽古樓

大師令有爵者乘王之倅車

倅音萃

倅車戎車之副

有大賓客則作卿大夫從戒大史及大夫介

作者選使從王見諸侯戒戒其當行者覲

禮曰諸公奉篋服加命書于其上升自西

階東面大史氏右

大喪與僕人遷尸作卿大夫掌事比其廬不

敬者苛罰之

僕人大僕也僕人與射人俱掌王之朝位也王崩小斂大斂遷尸于室堂朝之象也檀弓曰扶君卜人師扶右射人師扶左君薨以是舉苛謂詰問之

服不氏掌養猛獸而教擾之

擾饒上聲

猛獸虎豹熊羆之屬擾馴也教習使之馴服王者之教無不服

凡祭祀共猛獸

周禮

夏官

服不氏

至

稽古樓

謂中膳羞者獸人冬獻狼春秋傳曰熊蹯不熟

賓客之事則抗皮

鄭司農云謂賓客來朝聘布皮帛者服不氏主舉藏之抗讀爲亢其讐之亢玄謂抗者若聘禮曰有司二人舉皮以東

射則贊張侯以旌居之而待獲

贊佐也大射禮曰命量人中車張三侯杜

子春云待當爲持書亦或爲持乏讀爲匱
乏之乏持獲者所蔽玄謂待獲待射者中
舉旌以獲

射鳥氏掌射鳥

射音石

鳥謂中膳羞者鳧雁鴝鴒之屬

祭祀以弓矢毆鳥鳧凡賓客會同軍旅亦如
之

鳥鳧喜鈔盜便汗人

周禮

夏官

射鳥氏

堊

稽古樓

射則取矢矢在侯高則以并夾取之

鄭司農云王射則射鳥氏主取其矢矢在

侯高者矢著侯高人手不能及則以并夾

取之并夾鍼箭具夾讀爲甲故司弓矢職

曰大射燕射共弓矢并夾

羅氏掌羅鳥

鳥謂卑居鵲之屬

蜡則作羅襦

蜡音乍
襦音如

作猶用也鄭司農云蜡謂十二月大祭萬物也郊特牲曰天子大蜡謂歲十二月合聚萬物而索饗之禘細密之羅禘讀爲縞有衣袂之縞玄謂蜡建亥之月此時火伏蟄者畢矣羽旣祭獸可以羅網圍取禽也王制曰豺祭獸然後田又曰昆蟲已蟄可以火田今俗放火張羅其遺教

中春羅春鳥獻鳩以養國老行羽物

周禮

夏官

羅氏

五

稽古樓

春鳥蟄而始出者若今南郡黃雀之屬是時鷹化爲鳩鳩與春鳥變舊爲新宜以養老助生氣行謂頒賜

掌畜掌養鳥而阜蕃教擾之

蕃音

阜猶盛也蕃蕃息也鳥之可養使盛大蕃

息者謂鵝鶩之屬

祭祀共卵鳥

其卵可薦之鳥

